

德州志卷之八

人物志第八

大儒一人

漢董仲舒廣川人也少治春秋孝景時為博士下
帷講誦三年不窺園學士皆師尊之武帝即位
舉賢良文學之士仲舒以賢良對策天子覽而
異焉以為江都相事易王易王素驕仲舒以禮
誼匡正王敬重為中廢為中大夫仲舒為人廉
直以公孫弘為從諛弘嫉之言於上使為膠西

德州志

卷之八

人物

一

王相膠西王尤縱恣聞仲舒大儒善待之凡相
兩國事驕王又上疏諫爭教令國中而治
及病死家不問產業以著書為事朝廷有大
議使使者就其家而問之後以壽終徙家茂陵
子孫皆以學至大官仲舒所著者推明孔氏抑
黜百家上疏條教凡百二十三篇所說春秋玉
杯繁露清明竹林之屬復數十篇皆傳於後世
按史記漢書皆云仲舒廣川人廣川為今之德
州與州境相錯而讀書曰墓在州城內從漢書
之列



歷代先賢五十二人

後漢禮震平原人光武時大司徒歐陽歙坐汝南
臧罪下獄諸生守闕為歙求哀者千餘人至有
自髡剔者震年十七聞之馳之京師自繫上書
求貸歙死書奏而歙已死獄中光武覽書誼之
因復歙官贈卹甚厚

高闕字季阻平原般

僕騰反音盤

人曾祖嘉以魯詩

授元帝仕至三谷太守父容少傳嘉學哀平中

為光祿大夫詔以父任為郎中世傳魯詩以信

德州志

卷之八

人物

行清操著各王莽篡父子稱盲逃不仕光武即

位大司空宋弘薦詔為郎除符離長去官後為

博士建武中拜司農卿在朝以方正稱卒賜錢

及冢田

魏管輅字公明平原人年八九歲便喜仰視星辰

夜不肯寐父母禁之不能止常云家鷄野鶴

尚知時况於人乎所言禍福及所著卜筮書皆

奇驗而志行不常有古君子之類此特其寄二

晉蔡軼字彥夏平原人魏太尉歙之曾孫少有

氣沈愛博納衆論美之初爲博士累遷散騎
侍永嘉中拜振威將軍江州刺史甚有威惠時
天子孤危四方无解軼有匡濟之志每遣朝貢
入洛不失臣節時洛都不守以不奉元帝教命
爲王敦所攻衆潰避害

南齊劉懷珍字道玉陵縣人漢膠東康王寄之後
也其二子魯崔爲平原太守因家焉幼隨祖奉伯
至壽陽豫州身是趙伯符出獵百姓聚觀懷珍
獨避不視奉伯異之後爲驃騎長史累官至光

德州志

卷之八 人物

三

祿大夫卒謚敬侯

劉懷慰字彥恭懷珍從弟也父乘仁爲冀州刺
史處二凌襄慰持喪不食醯醬冬月不用絮衣
仕宋爲尚書別駕郎齊國建高帝置齊郡于瓜
步以懷慰爲護國將軍齊郡太守修城郭墾廢
田決沈湖不受饋遺既卒明帝謂僕射徐孝嗣
曰劉懷慰若在朝廷不憂無青史也

劉歊字士光平原人本名冉祖勔宋司空父繪
武帝開府從事中郎歊幼有識慧博學有

不娶不仕與族弟訂並隱居讀書奉母兄以孝
悌稱親意有所須口未及言歆已先知手自營
奉母常疾篤夢歆進藥翌日有間誠感如此沙
門竇誌遇歆于興皇寺驚起而言隱居求志清
淨登仙者三天監中著革命論以爲形者無知
之質神者有知之性有知不獨存依無知以立
故形之方神逆旅之館耳及其死也神去此館
速朽得理是以子羽沈川漢伯方壙文楚黃壤
士安麻索此四子者得理也若從四子而遊則

德州志

卷之八 人物

四

生平之志得矣既而寢疾恐貽母憂乃自言笑
勉進湯藥及卒謚曰貞節處士訂有至性七歲
父母_弟泣幾至滅性與歆友愛甚至其貧
不仕張稷梓之檄至掛於樹而去先歆卒歆哀
之著悲友賦謚爲元貞處士

梁明山賓字希若平原人七歲能言名理十三博
通經傳梁高祖引爲相府參軍梁臺建爲駕部
郎累遷至黃門侍郎司農卿散騎常侍領青冀
二州大中正東宮新置文學又以山賓居之

州刺史州所部平陸縣不稔令出舍人
翻建檢簿書以魏嗣山山賓籍其宅入官
然然亦自進職繼居昭明太子築室延之不就
下令美之并賜以詩山賓家素貧乏貨所乘牛
既佳乃請買此牛經患蹄漏治差已久恐後發
無容不補諸賈者遠追錢去隱士阮孝緒聞之
數頃此言是還游反於激濟停流矣大通元年
李善夙廿五詔贈侍中信威將軍謚曰質子昭
顯太子爲舉哀賜錢十萬布百疋并使舍人王

德州志

卷之八

人物

五

顯護與喪

後魏司徒陸麗平原人秘書陳奇爲游雅所陷屬
麗以凡庸歸其才學自度力不能拔遷延其獄
經年與得寬宥有欲處上意不問奇竟致大戮

北齊張買奴平原人經義該博門徒千餘人諸儒
咸推重之仕齊歷太學博士國子助教

唐高壽字季輔平原人貞觀初遷中書舍人
賜以鍾乳粉曰汝進藥石之言朕以藥石
遷吏部侍郎善叙人物帝賜以金背鏡以

精鑑選中書令進爵穆國公謚曰憲

高冰渤海人馮之後貞元中進士以家託鄆故
李師古辟署判官師道據十二州叛冰引古今
成敗勸說不能入斥守濮州冰乃上書誇山東
煮海之饒師道之謀悉露遂怒殺之及師道平
贈冰吏部尚書

孟簡字幾道德州人工詞尚節義與進士宏詞
累遷倉部員外以不附王叔文見疾徙爲宅曹
元和中拜諫議大夫知院事韓太韓皋之復刺

德州志

卷之八

人物

六

史吐突承瓘爲招討使簡皆固爭請延英言不
可狀以悻切出爲常州刺史境有五瀆久淤闕
簡治導溉田凡四千頃以勞賜金紫召爲給事
中拜工部侍郎未幾出爲山南道節度使被劾
左遷太子賓客卒

宋張雍字

德州安德縣人字毛詩開寶六年

中第釋褐東關尉改將作監丞知南雄州遷太
子右贊善大夫知開封府司錄參軍俄爲秘書
丞充推官以誣坐王元吉劾毋獄免官雍熙

復原官進御史臺推官端拱初累遷太府少卿
加諫議大夫出爲西川轉運使知梓州蜀寇王
小波李順作亂圍梓州雍嬰城固守設智屢摧
敵鋒入十日圍始解上手詔褒美擢給事中改
工部侍郎轉禮戶兵三部侍郎數歷中外大中
祥符元年請老以尙書右丞致仕年七十卒
姿貌峭朴好登科爲滕中正壻中正諸子咸笑
之中正曰此人異日必顯達壽考非汝等所及
也後中正諸子官不越郎署亦無耆年如其言

德州志

卷之八

人物

七

云

單煦字孟陽平原人舉進士知洛陽縣轉知
州時詔城蜀治煦以蜀地負山帶河一旦毀
垣而興版築其費巨萬非民力所堪請但築于
城轉運使卽移諸郡如其議徙清平軍使有一
盜殺人捕治不承煦縱使之食甲食之旣乙不
下咽執而訊之果殺人者爲御史臺推直官
南人誣轉運使呂昌齡以賄勅煦往治煦下
阿其長直昌齡累官元祿鄉卒年七十七

愛兄熙常毆人至死未有知者煦曰家貧親
仰兄以養義當代
即趨闕待捕已而死者更
驚問之煦以情告
人感歎遂輟訟

元孟泌德州人登

進士官至翰林檢討

明宋性洪武中以

國學嘗代所知草疏上奇

其文召見除刑部

事治獄多平反署本部右

侍郎以爲濬廣按

司副使調陝西永樂初陞

四川右叅政差

監採大木山谿紆阻所需

工費億萬士人憂不堪命性齋禱于天水忽暴

德州志

卷之八

人物

八

李本自嶠中漂出士人驚以爲神建祠祀之進
行在刑部右侍郎隨征北至提虎山饋餉乏匱
謀合廟算加尙書俸賜嘉蹄金二錠所至號爲
廉能因病告歸被讒抄沒家無餘資惟嘉蹄金
在焉上知其廉賜地十頃免其租並闢戶差窪
仍復其官竟辭不起成化間詔祀學宮子於少
穎敏或不名臣奏議百餘首讀之輒焚其稿或
駭愕於默抄不差一字足跡不入州府隱居終
身以恬淡見稱

王復善大都人前元進士避亂德水遂家焉
武中以明經聘爲濟南府學訓導陞大名縣學
教諭分較秋闈者四庚午山東癸酉北平丙子
河南巳卯復北平號稱得士永樂二年告老賜
璽書褒之卒於家

劉盛字宗茂江西贛縣人游學寓德州初從鄉
先生劉撝謙受經苦志於學遂成碩儒質朴淡
泊隱居不仕自號無辯野人弟子登科甲者相
繼二子皆中鄉試長子羽瑞州府通判次子恩

德州志

卷之八 人物

九

蘭谿縣知縣有書說遺稿并詩集行於世

鮑雲鳳少以奇童稱精究百家以至天文地理
推驗如神隱居終身不仕號曰雲峯先生子璉
中景泰庚午鄉試亦不令其仕

張惠永樂間任監察御史巡按雲南有御史張
善以蛇妖病卧池口馴而視畱治湯藥頃之妖
蛇挾風雨而至惠射之風雨止而蛇匿於樹令
隸取席於樹下焚之良久蛇墜善病乃已過元
陵見居民延燒數百家皆云有惡鳥啣火卽

文檄戒墮神翌日惡鳥散死於江奉詔招諭諸
蠻按浙江處州民聚爲盜惠嘗撫安之拜禮部
尚書天順三年卒于官惠初舉于鄉置業其祖
墓之暴露者已貴歸里必謁先師廟至墓親持
錫修治居於墓次席地而食嘗言曰吾祖父在
地下吾安忍享人生奉養乎君子以爲難

焦顯景泰甲戌進士授湖廣道監察御史巡視
紫荆等關威名大著按四川蕃賊出沒顯布宣
恩威地方賴以無虞委勘皇庄悉以其田歸原
主貴戚憚之後以言事過激降紅坡子驛丞都
御史馬文升薦之歷陞彰德府知府

德州志

卷之八

人物

十一

張海字文淵天順己卯鄉試第一丙戌進士爲
吏科都給事中豪邁有氣節陞順天府丞時汪
直用事海以公事往見不屈出知雲南鶴慶府
累陞兵部侍郎賜璽書命往經畧哈密海條上
六事至甘州遣使賫勅諭阿黑麻歸陝已不從
上疏言遠方不可加兵來則撫之去則拒絕之
而已得命修嘉峪關捕通阿黑麻川變數十人

分別誅遣遂全師還上以其無成下之獄降
西叅政踰年卒有詩稿藏於家

鄒祥成化辛丑進士補授南宮知縣時尙嚴刻
祥獨寬厚陞高郵知州州多富豪吏舞文法祥
訪爲民害者數人置之法境內肅然陞戶部員
外奉勅收上新河淮安料鈔釐革夙弊陞郎中
謝病歸不復出

趙淮以書筭克布政司都吏役滿署戶部都吏
精於會計却私饋有以金遺者輒首之堂京師

德州志

卷之八

人物

十一

稱爲廉吏弘治間授騰驤衛經歷歷嘉定灤州
二州同知俱祀名宦性保寧府通判吏部尙書
桂萼書可羨二字贈之陞重慶府同知改烏撒
軍民府同知到官三月而卒淮自歷官三十餘
年欽賜銀幣者二篇舉一十九獎厲四十三至
今鄉人稱爲趙清吏云

袁擴弘治乙丑進士授大理寺寺正陞南陽府
知府考最爲天下第一陞陝西按察使詔袁
陞應天府尹推都察院右副都御史巡撫

未之任卒瀕居官剛正不畏權貴所至皆歛
避之又平生廉苦未嘗衣帛食肉士論以此多
之孫勿嘉靖間以門功爲趙城平山知縣廉幹
有乃祖風霍州盜起及西賊大舉內犯勿防禦
有法百姓以安致仕歸卒於家

鄒頤賢正德癸酉舉人初授新鄉知縣土瘠路
衝一切省費以紓民困遇旱先賑而後請罪邑
人感之爲立祠調陽城陞平涼府通判致政歸
村居不入公府以詩酒自娛所著有蘆南集

德州志

卷之八 人物

十一

石倫景泰庚午舉人授無極知縣邑多逃徙倫
招來撫字歸者以千計賑貧興學無極大治陞
忻州知州尋卒

葉洪字子源德州衛人嘉靖己丑進士授戶科
給事中陞工科右給事中性剛毅遇事敢言彈
劾不避權貴疏凡數十上所言皆軍國大事具
載世宗定錄又疏請改德左二衛學附山東鄉
試諸生便之亡何論奸相銓宰專權納賄竟
中傷癸巳考察謫寧國縣丞尋罷官歸有先

遺田百畝在西河上結廬其中人莫得窺其門
臺省撫按交章薦洪弘才淵學直節正氣壘壘
召用竟格於舊例而止平生獎拔士類孜孜
不及自壯及老竟日危坐儼若神明年七十五
無疾而卒孫敬愿萬曆壬辰進士樂亭知縣
王進賢字公選正德己卯舉人性好學居廢寺
中教授生徒躬行古道動依禮法弟子成立者
甚衆選沁水知縣民貧且悍號稱難治進賢以
寔心行政均徭薄賦息訟興學縣中大治會天

德州志

卷之八 人物

三

旱禱雨徒步烈日中得病遂卒後二十餘年沁
水民爲建祠於邑之端氏鎮

盧宗哲字濬鄉德州衛人其先家涑水中嘉靖
乙未進士上親試庶吉士得二十人宗哲居首
授翰林院簡討陞南國子監司業考滿嚴分宜
欲籠致之宗哲曰某來考績不來講遷官也乃
以爲南尚寶徙通議居三年召爲太常提督四
譯館擢南太僕計馬蕃息寺有贖金三千或謂
例應納笑曰豈有懷金盧濬鄉哉入爲光祿

故事上供不時予賈人值往往破產其弊尤甚
羨金償之久之推戶部侍郎分宜居中不報請
告歸偃臥舊居故人來則彈琴酌酒終不請謁
上官年七十卒爲諸生時天津故有節帥過之
見宗器勉傲請以新冠易公爲座上一着罷酒
仍着故冠而去其介如此後罷光祿發橐中裝
餘四十金召子茂示之曰此吾二十年宦裝可
受之茂亦以清勤著聲官至歸德府通判

程珪字子彬德州左衛人其先本掖縣人父賢

德州志

卷之八 人物

古

爲人沈雅剛毅慷慨好施爲鄉里所重珪以嘉
靖壬辰進士授懷慶府推官廉介明決庭無留
牘遷兵部武庫司主事歷陞尙寶鄉與袁州甯
子同列以守正不阿左遷戶部主事歷四川陝
西浙江廣東叅議副使山西按察使江西右布
政使所至鋤強扶弱奸胥猾吏望風屏跡居鄉
不營利不請託嘗有鑿金乞一刺者立斥之去
門庭寂然勤儉修業至老弗易居第後築一精
舍歲日無輟其節廉細詳其寒暑不輟尤

成就後學年八十六終所著有右丞稿行於世
劉佐嘉靖乙未進士歷官冀北道山西叅議所
至多有聲績生平不爲請託生殖置義田二百
畝以贖族之貧者鄉人稱之

張子順字聚甫別號裕庵德州左衛世襲千戶
嘉靖癸卯以麟經薦省元甲辰成進士授戶部
主事會計允當以賢能著名於時督餉晉陽不
假催科軍需悉脩暇則與諸生講學義理淵微
詞藻雄渾人才各有成就因而從遊者甚衆後

德州志

卷之八 人物

五

值大同有警威寧侯俺魯統師在禦魯悍鷲貪
暴屬公主餉或謂宜加禮而厚遺之公不顧接
待如常及魯事敗人咸服其有遠識陞潞安知
府三年陞密雲兵備道副使荆川唐公經畧邊
務雅重其德器云

魏汝松德州左衛人嘉靖戊午舉人授湯陰知
縣歲饑捐俸賑粟施藥全活數萬潞邸之國道
經湯陰民皆患之汝松獨調劑民不稱厲擢知
均州均例僉報馬戶里甲因緣爲市汝松力爲

舉以光聖德以永令名事臣於春二月內行取
祇京按册報見大學士陳于陛一本為奉勅賜
裏按陳時政之要懇乞聖明采納以光治理事
首翻接見大臣錄用人才為言甚悉奉聖旨覽
卿奏具見愛君忠猷謀國遠慮剛愎躬及錄用
人才的朕已知道了其餘著該部看議來說欽
此舉朝大小臣工莫不鼓舞惟祈誦皇上有從
諫之明又莫不趨首頓膝而望皇上旦暮行之
以為太平美政何今時已滿三月矣而朝見之
期竟未一出以言得罪之臣亦未聞有一憐而
錄之者臣愚不勝大惑孔子論聽言之道曰法
誥之言能無從乎改之為貴與與之言能無覺
乎繹之為貴輔臣于陛之疏豈不稱法與兩條
哉皇上諒其為愛君贊其為忠猷又諭之以知
道亦可謂從而悅之矣獨計所謂知道者非徒
知之而已也知其言為忠愛而不用其言以行

德州志

卷之八

人物

七

事在皇上不得受其言之益在輔臣不得盡其
言之忠在天下後世又得以不改不釋而議其
後謂聖德何謂聖名何臣固願皇上熟思而急
圖之也敢以往事為證可乎臣聞周宣王嘗晏
起姜后脫簪珥待罪於永巷使其傅母通言於
王曰王樂色而忘德失禮而晏起亂之失自婢
子始敢請罪王自是勤於政事早朝晏罷卒成
中興之名而姜后亦有聲於後世皇上御極視
周宣王何如也聰明睿知其過之也遠甚勵精
圖治其過之也亦遠甚惟靜攝以來朝講中輟
輔臣至終歲不能以再覲天顏而奉清問竊恐
官府漸隔而煬窳之患隨之矣皇上誠釋輔臣
之言慨然申定朝規或朔望之必出或祭告之
必親時召大臣商確政務即不能復常朝之規
而一月再臨亦不為數即不能復日講之舊而
便殿賜問亦不為勞君臣意氣洽於泰交國是
紛紜定於而決萬代瞻仰在此一舉天下後世
行將歌誦聖天子之舉動於不朽而周宣王何

重下風也臣又聞宋仁宗時唐介吳允昌
前尖中復蔡襄吳奎韓絳等數十人皆以直言
諫外殿中侍御趙抃進言曰近日正人端士紛
紛引去者以正色立朝不能諂事權要傷之者
衆耳仁宗允其言諸臣悉令召還由是嘉祐之
治有聲宋室榮華至今皇上御極視宋仁宗何
如也文武聖神其過之也遠甚君子滿朝其過
之也又遠甚惟邇年以來諸臣任事過銳進言
過激直遂慙思不能無罪皇上震怒譴責貶削
前後百十餘人北百十餘人者品格未必相同
而今皆以氣節名世倘一槩錮之終身是明予
諸臣以名而暗貽國家以失人之害非便計也
皇上誠繹輔臣之言慨然勅下吏部察諸臣中
言雖過激而心則無他者幾人事雖執拘而心
本爲公者幾人各疏名上請斷自聖裁卽未必
盡行召還或間一簡拔以究其用亦未必盡復
原職或別行推補以盡其才用不測之威以懲
創於前又用不測之恩以甄別於後顛倒豪傑

德州志

卷之八

人物

六

莫知端倪天下後世行將宣揚大聖人之作用
於不窮而宋仁宗何能彷彿萬一也此二事者
諸臣言之多留中不報報輒忿怒輔臣言之幸
蒙嘉納納之又未慨行此臣之所以不勝款款
之愚爲皇上再言之也臣初試爲御史豈不知
苟祿可以容身當國家多事之時又豈不能彈
摘一二以塞責惟君德爲萬化之原而人才係
社稷之計時方修正史以信萬世而皇上之注
念猷爲又皇上之令聞永譽所係臣何忍以此
二事坐聽流播四方傳宣來襪爲聖德累爲令
名損哉此臣之所以不勝款款之愚不得不爲
皇上申言之也臣不識忌諱感時激衷輒冒尊
嚴以抒下忱倘蒙聖明采納施行太平無疆之
福端在是矣臣無任惶悚待命之至萬曆二十
二年五月初八日奉聖旨朕怒近來小臣欺
背公鈞朋謀附合法名虧譽故每量其輕重
處謝廷策這廝既知有旨待自有定奪今
處詞寬探市恩賣直好生可惡本當治罪

縣者降一級調外任用不
言膠龐推陞吏部知道

蓋梁字虹江本陵縣人祖汪從軍有功授德州

衛千戶遂以官為家梁中萬曆癸酉科舉人除

茶陵州知州陞鞏昌府同知治崑州以軍功欽

賜銀幣致仕歸兩處皆有特祠崇祀自為諸生

及舉孝廉一切外事皆不與聞惟開館講誦一

時名士如叅議楊公櫨知府宋公鴻儒及他有

聲者皆出其門下天性孝友父母歿兄弟終身

同爨共少時往見先達丁公永成丁公日子聖

德州志

卷之八

人物

九

賢路上人異日且為生民造福後其言併驗人

以丁公有人倫鑑云

魏綱德州左衛人嘉靖甲午舉人授大谷知縣

以清幹見稱丙午分較山西所取皆知名士以

親老致仕歸里居讀書足跡不入州府有山東

督糧道為分闈時所取士見綱居貧以三百金

為壽綱曰幸有簿田足以餬口無需此卒却之

年八十六卒

李逢時字化甫德州衛人嘉靖甲辰進士起家

行人選湖廣道監察御史聲著羣臣按宣大風
采嶽嶽按徐淮大盜李子強聚眾流劫傳檄勸
捕不踰月盜平以保禦功賜金論賞師尚詔煽
動江淮逢時馳赴鳳陽調度賊規知者備遁去
亦補湖廣憲副值漢水數溢殫力隄防又會建
明堂採木嚴急逢時務爲寬恤事亦立辦陞叅
政仍守荆南陞山西按察使左右方伯備悉宗
民疾苦出納兩平廩祿均給人情翕然致仕卒
于家子汝材萬曆癸酉舉人洪洞知縣汝棟隆

德州志 卷之八 人物

二十

慶庚午舉人汝棟曾孫允禎崇禎癸酉舉人有
傳

程紹字公業德州衛人父訥字季敏爲諸生剛
方直諫以子貴累封工部右侍郎通議大夫林
泉自娛風味翛然年八十六自製墓銘端坐而
逝紹中萬曆己丑進士除汝寧府推官廉明仁
恕多所平反擢戶科給事中而簡屢上皆彈劾
執政私人與軟撻其票擬躡駮執政心銜之曠
稅之使奏逮有司旁午道路紹再三抗論上

峇之山西曠使劾知縣韓薰紹特疏申理遂
各爲民家居奉觀二十餘年光宗御極起太僕
寺卿推都察院右副都御史巡撫河南精心吏
治凡所施罷不論漏刻櫛垢爬痒若民自爲中
州承平日久兵馬芻糧司吏竊欠其中紹一切
按覈討軍寔而申儆之儀封宗人爲盜囊橐淫
虐彰聞莫敢呵問紹乃列上罪狀詔發高墻諸
宗惕息相戒莫敢犯歸德汝寧彰德間群盜煽
動相繼撲滅會玉璽出臨漳上言國之所寶在

德州志

卷之八

人物

三

賢臣因薦鄒元標馮從吾等特諸公方以門戶
得罪疏上觸維奄怒遣詞事人至汴久之無所
得乃嗾御史論紹借題援引門戶諸臣紹遂移
疾歸德州議建魏忠賢祠紹率諸紳士力拒不
可崇禎中起工部右侍郎以年至乞休得請卒
於家子震江西驛傳道僉事泰建昌府通判有

傳

附載疏章巡撫河南都察院右副都御史

程紹題爲玉璽偶出河畔先具奏聞併持
州懇祈聖明不貴異物登庸眞實以圖萬世
安事歸河南布政使司呈等因到臣臣謹按
六國得楚下報氏舜俞廷翁李斯蒙
壽刻之文曰受命於天既壽永昌

以還相變為傳國璽至永嘉後沒於劉石遂不可復得晉宋元符元元貞之朝段義翟朝宗從國傷恒之徒迎合寧宗附會太妃假手為偽接踵相思見於李微之楊慎所辨駁者班班可考鏡也蓋秦璽之不足徵久矣今據河北道臣張夢鯨呈稱漳河之濱得玉璽一顆親齎至汴臣諦觀審視方稜無缺依然全璧閱璽至漢平世已缺一角知此斷非秦璽至渾龐瑩潔精光內藏應是數百年舊物一旦風逸水滄湧出河岸恭誦篆文八字誠萬年天子之吉祥嘉兆也臣以紀載所傳聞定有不在此者昔王孫圉不寶白珩而寶觀射父之作訓辭及左史倚相之獻善政於寡君齊威不寶照乘珠而寶照千里之四臣彼叔季侯王寶得其實因是猶能名顯列國聲施來茲斯足述耳今聖主惜才賜環拔滯固宜哲人布列野無留良尚有一代名臣如總憲鄒元標馮從吾尚書王紀周嘉謨盛以弘孫慎行鍾羽正余懋衡侍郎曹于汴等沉淪丘壑

德州志

卷之八

人物

三

空賦自勵不及今大用人壽幾何又有一斥不還之詞卷久錯不起之臺諫此皆王國禎祥盛朝珍寶臣不能挽回天聽汲致明廷乃僅僅執一古靈光效七十二代之故事臣定羞之惟是玉璽之出適在臣封疆之內事屬曠異道路遠傳郵亭驛使恐有聞之禁闔者既不應還遂地下又不敢私秘人問欲議委的當官員捧進幾關跡涉貢媚亦非臣前所宜然似應少緩須臾恭侯皇上之命至璽之世代篆之工拙俱非臣所敢知也臣迂且固愧不能歌入保之九如恭華封之二祝惟竊自附於尊君好君之義謹會同巡按河南監察御史楊方盛先具奏聞伏望皇上遠觀永命之真符不在偶獲之舊寶怡神寡欲親賢納諫在朝之忠血勿事虛拘遺野之名流急為登進庶玉璣瑟於清廟瑚璉責於明堂藹藹古人之維天子使其襄人器永固金甌雖謂虞舜之黃璽夏禹之玄圭至今存可也區區傳國寶不足貴矣况未必真乎拜手颺言鞠躬

待命臣等不勝惶恐屏營之至天啟四年九月二十五日具題奉聖旨寶璽既出自當登於內府著萬壽節進表官齋進禮部知道

郝沂字魯泉德州衛人性好讀書家貧不能得書乃日夜手鈔不避寒暑幾數百卷南克黃公輝極敬之晚年以歲貢授紫陽知縣爲令二載家無擔石焉初州人程公紹任戶垣時沂在邸中與黃公交莫逆官定後黃公寓書與程公謂魯泉學貫天人僅使得一紫陽令此吾輩之責也其推重如此

德州志

卷之八

人物

三

金煉字伯精德州衛人父世臣字汝勳以歲貢爲滄州訓導擢山西廣昌知縣邑小而衝冠蓋往來疲累不支世臣悉心經理容無留行民俗素悍每睚眦自殺以傾仇家世臣讞決得情民咸革面以子貴奏封去官煉中萬曆丁未進士授戶部主事督楚漕司延餉輓輸以特賜金摺俸拜河南叅政陞按察使再陞江西右布政兩院請以新秩留煉在中州五年執法不阿風采嶽立擒賊出歸間妖人劉顯吾王撫民劇盜

一騰等上特書屏紀勲構象左伯全豫所輸上
金錢第令輸者自衡中程則給符亟遣去人咸
便之闕書院課諸生甚勤禹州始有登解首者
連丁二艱起補陝西平涼多朱邸難治煉彈歷
肅然宗民帖息俘斬流賊王天壽馬角腦等固
原軍謀擒首惡十三人誅之指麾而定以病乞
骸骨歸居家孝友廉靜無問疏近皆有恩紀敷
歷中外二十三年却獲直斥厨傳朝夕所給俱
平直市之民間所至以治績聞卒年七十一崇

德州志

卷之八

人物

一

禮鄉賢祠子壽祖以貢生在池州府通判

李誠明字思伯本商河人自其祖始遷于德父
大華萬曆癸酉舉人武強知縣治行清介秉性
剛方縣有巨室誣七人死撫膺自矢不肯殺人
婦人竟平反卽以此棄官歸卒年八十二誠明
中萬曆甲午舉人博極群書以至天文地理戰
陣推步術數之學無不通曉皆有獨解與世俗
所守師說不同而內行純備孝友過人冰心鐵
骨一介不取登賢書四十年未嘗一字干州府

長吏莫不愛敬之天啟開閣輔朱延禧薦爲中書舍人不就魏忠賢竊柄遣人以厚幣聘之託病固辭不赴及忠賢敗士大夫益推重之士公車數奇未得一第抗志不仕以讀書終其身年逾五十獨居東村別墅建一亭椽楹瓦甍俱從方額曰矩亭朝夕觴詠其中又十餘年卒詩文典雅學者稱爲泰雲先生崇祀鄉賢祠弟讚明崇禎庚辰進士歷陞山西驛傳道僉事子源

大清順治丙戌進士

州人盧世澹哭李泰雲先生詩生先論交有歲年今朝揮淚問

德州志

卷之八

人物

三五

蒼天悲涼吾黨思前輩錯莫人倫失古賢泰岱雲收餘賦草小山桂老罷詩篇清直寡欲如元澹博雅多才似鄭虔行業推尊高士型聲稱藉甚孝廉船飄蕭白髮青衫映窈窕立心綠字詮十上公車神却王重磨老劍志彌堅正期結撰藏名岳何遽乘箕逐逝川繫我孤踪常冷落先生折節獨周旋會文探討偏尋險放酒頽唐恰愛顛行輩不拘常爾汝襟懷相賞共餐眠看花直就花茵坐喜雨頻將雨具奉側理論糜將一萬洪酬小醉約三千而今而後誰同趣馬策西州只惘然

盧世澹字德水茂之孫生九歲而孤哀毀如成人人事母及兄姊以孝友聞中天啟乙丑進士授戶部主事乞侍養歸服闋補禮部改御史償

運時久旱河竭盜賊縱橫條議上聞旨中肯
報竣移疾趣歸京師之變世准與其鄉人擒斬
偽牧倡義討賊

大清兵下山左以原官徵病不行又數年卒於家雅
好賦詩最慕少陵嘗卽家爲亭祀之架上有書
萬卷與客飲醉輒墮然自放託意於阮嗣宗陶
淵明王無功之流未卒十年前卽爲棺槨掃除
墓地自稱爲南村病叟有文集若干卷行世

王都號介清先文登縣人徙德州左衛以進士

德州志

卷之八

人物

三

初選元城後補滑縣元劇而滑叟公馭劇以靜
處駛不脂縣人尸祝之能辨吏事老猾積蠹聞
名嚙指擒平巨盜斷毀賭具治獄平反其於輕
重出入深致意焉公孤立行一意不事要津行
取擬南臺蒙上御筆簡拔禮科給事中陞工科
都給事中太常寺卿卒於京所著有法戒編彙
棣客問朱子漫錄順治六年崇祀鄉賢
呂恂字信吾德州衛人萬曆壬子科舉人以
經冠本房爲人天性聰穎篤志好學讀書期

明理所著有春秋大義四書蒙引諸書平生
友以道義相規與李泰雲稱莫逆一時咸推二
先生皆有道者也四上公車墨義每爲王司所
賞因策論多憂鬱憤世語未得一第士君子深
惜之

郝勸善字同吾州人天啟辛酉科舉人初補博
士弟子郡侯馬明瑞見其文奇之欲延爲其子
友三聘不取更推重焉後舉於鄉遠居東村足
跡不履城田家有茅屋數間課子會文日遠近

德州志

卷之八

人物

三

生儒咸集凡有善作文者其心好之不啻口出
生平不置
生儒咸集凡有善作文者其心好之不啻口出
二百金售之且寬其償期而實贈貽也拒之不
納五上公車不第時鄉薦本坊座主已拜相勸
令就仕遜謝不出
生澹然無欲天性孝友鄉
黨愛敬之

趙州牧字起潛爲人剛正淳實居河西之五里
莊日策蹇至西郭授經夕反村中寒暑不輟嘗
夜歸有盜出叢薄間見州牧皆慚賊詭云運使

先生控驢至村口跳去以明經爲日照縣教諭
所造就多名士云長孫昇星崇禎丙子舉人

大清順治初署武邑縣事有撫盜功除大名府通判
治順聖營宣府前路事平賊勸輸課爲上谷最
卒之日行李蕭然次孫其星順治辛丑進士黃
州府推官改汾陽知縣

程泰字來紹之次子天啟改元恩貢崇禎甲
戎入中修熹宗實錄壬午書成次年授建昌
府通判出都而難作感憤成疾家居久之遂

德州志

人物

天

不起泰地鷲孝隨父侍郎之官邸事無巨細多
以委之諱于國家典故豁達好施不問家人
生產有詩一卷藏於家

陳希夔字大章州人天啟元年恩貢初授邯鄲
丞曰丞何負於人哉聿修厥職不敢效崔斯立
吟哦松下也以臺薦陞沁源知縣沁民素悍縣
吏每以苛政吹索之率逃亡虧賦希夔單騎下
鄉先問疾苦然後勸之使輸不取耗金民咸感
激歲賦以完政聲大著於二年以忤上官意拂

袖而歸爲人沉靜寬平飲酒讀書陶陶陽陽人以此愛敬
之次子鍾英

大清順治辛卯科舉人儀觀甚美博學能詩與其兄懋英終身
同爨人稱一門孝友其接人應物雖農夫賈豎與講均禮
跡其生平無一瑕可指年四十三而卒鄉党惜之

葛汝禮字會夫萬曆甲寅歲貢授金鄉訓導陞文登教諭
教人以修德立行爲本年七十八卒於任諸生皆衣縞系
爭相助賻又呈請撫院俾旅櫬得馳駟以歸

劉嘉胤字繩懿別號象山州人父蒙亨早逝生母張氏懷

德州志

卷之八

人物

三

姪未婉越三月嘉胤生嫡母徐氏與張氏乃傾囊出其先
世積財暨田宅分給族衆樹墻塞門長齋食粗糲以謹護
其子事見貞烈傳嘉胤生而穎異弱冠領萬曆己酉賢書
事兩貞母備極色養以孝聞年逾五旬兩母相繼而歿哀
毀骨立襄事畢遂以疾卒爲人端方醇正動必循禮燕居亦
不苟接待賓客暇後生兒童輩盛暑必正衣冠相見敦睦
族黨內外無間言與李森雲先生同時事事取法步亦步
趨亦趨爲莫逆交在孝廉中聲稱藉甚數上公車辛未科
已爲主司取中因經義誤犯御諱竟隕於一第士君

七賢四人

李允禎字貞甫德州衛人父嗣美字胤方增生天性曠達
真誠坦易以省試受知於郡伯文公受竇拔居第一嘗以
未得登賢書爲憾贈奉政大夫工部營繕司員外允禎中
癸酉科舉人

國初除故城令廉潔持已慈惠撫民迄今頌其遺愛調豐縣
令邑故健訟下車卽力鋤訟師發奸摘伏如神人皆畏服
肅然稱治會黃河決需柳梢數十萬使者督趨旁午允禎
乃親自行野量多寡遠近俾以次輸河干而予其車牛芻

德州志

卷之八

人物

三

秣民不擾而事辦攝碭山篆有平盜功歷陞工部主事督
清江船廠釐剔振刷諸弊一清課士於清江書院而人文
蔚起時淮揚歲饑道殍相望捐俸煮粥哺之全活甚衆淮
人建祀勒銘祀焉晉屯田司郎中遷廣西左江兵備以疾
乞歸爲人沉靜端慤動必準禮內介外和與世無忤鄉閭
欽其德望卒年六十三康熙元年崇祀鄉賢子浹中順治
丙戌進士濤潤英敏好學文望甚籍識者器之

蕭時亨字天衢別號會寰原籍遼東鐵嶺衛人幼儻尚
氣節年十五襲指揮僉事守三岔威遠二堡恩威兼濟

士戴之明天啓間寄捧德州衛遂家焉

二清定聘人有勸之仕者公恬淡自甘杜門不出日惟課子讀書有萬石家風季子惟豫冲齡登第以翰林院侍讀歷秉文衡嘗書公明慎三字以勗之公為人誠信樸謙動必以

禮道受

地封不尚華飾不乘肩輿樸素如平時性尤慈仁好施周急振乏傾囊不恤士君子推重之年登八十二卒

田緒宗字衍文別號蓼菴父實栗州庠生家貧授徒教育誠篤每鷄鳴焚香告天有古清獻風緒宗其仲子也幼穎

德州志

卷之八

人物

三

悟性復端嚴言行不苟執經問業者履滿於戶中順治壬辰科進士授麗水令清儉仁愛民間有邑侯清鷄犬寧邑侯廉婦子安之謠年四十有六卒於官百姓悲之如喪考妣子三人雋辛丑進士見任戶部主事需丙午舉人霖庠生子孫繩絕世德之報正未有艾云

程先貞字正夫別號蕙庵左衛人用祖蔭歷官至工部營繕司員外郎順治二年告病歸為人志行端慈舉止安雅有古君子風善詩歌古文辭家居二十年扃門簡出以詩酒自娛未嘗一預外事每同人燕集慨然以扶風教崇儉樸相

收勉至里中節義之事惜其遺軼採訪最

自楷錄或傳或詩各彙成帙而州乘一書

編輯垂成而卒年六十有七是歲預製一棺題

曰休息齋賦詩二章有百年恍惚渾疑夢萬事

紛紜已到頭之句所著有燕山遊稿還山春事

十五臣詩蕙庵詩艸蕙庵詩窺園百一詩集百

二詩集其十數卷子二彥頤彥穎皆彬雅能文

克世其家云 州人趙其星補

附輓詩 淮南張 詔詩幾載相招欲晤難登堂
恰值此 秋殘三句方訂重連榻一夕

德州志

卷之八

人物

三

何期遽蓋棺休息久知身是幻深藏轉覺境

為寬新詩輯授如先兆涕泗交橫為再刊

州人蕭惟豫詩其一廿載歸林卧怡情酒一

壺文章師後學語默契先儒雲氣收出麓星

光散海隅翩翩乘鶴去今古總須更其二論

文總幾日別後竟長眠金谷哀詩伯瓊樓送

謫仙黃泉歸有舍白雪和無篇空作招魂賦

臨風泪潸然 李源詩其一還山相伴幾經

年揮淚於今自問天一榻理琴懸夜月九京

玉樹鎖寒烟開函筆楮痕猶濕黏壁詩箋墨

尚鮮尊酒論文難再得招魂楚些總徒然其
二望見靈帷意更悲音容如在憶鬚眉十年
風雨長通問一旦幽明永別離地下修文尋
故舊人間作記少親知傷情空對孤庭月淚
濕衣衫只自垂 趙其星詩其一霜寒漏永
向三更痛哭臨岐送爾行酒社蕭條餘舊侶
詩篇慘淡憶平生雲開率表無歸雀月落滄
波有馭鯨此後音書何處寄蒼茫不盡古今

情其二片憶交情轉自悲匠斤創聖復何時
 樹前執子言猶在座上談心事已移開道從
 來煙夕老吟文早自定前知含毫研淚為君
 傳擬其先賢百世垂 雜憂悔詩其一初聞
 抱病即疑恩恐是公騎箕尾時曠世才名今
 已矣千秋風韻竟安之闕為泣把迴腸久反
 淚重生永訣遲飄渺一靈應聽得哀哀清淚
 寫新詩其二自作息齋壽器成題詩兩首異
 平生病軀似怯登仙路綵筆偏宜賦帝京慘
 澹日斜人影亂淒涼月上旅魂清羊曇痛哭
 西州去地久天長遺後情 王運昌詩杖履
 追隨二十秋何期一旦遷仙遊延津龍化風
 雲黯華表鶴飛夜月愁契濶空餘千古恨交
 歡難向九原求招魂賦罷增惆悵坐對靈帷
 涕泗流

德州志

卷之八 人物



孝子十六人

明張泰少孤事母甚孝母病思食蘑菇遍求不得
忽夜于園池中出百餘莖取以奉母病卽愈母
亡泰哀毀踰禮葬于西河負土築墳廬于墓側
有雙鳩巢于上正統間旌表

尹綸御史禧子禧卒于京綸扶柩歸葬于城南
廬墓三年又于墓前築臺人呼爲孝子臺有烏
鴉白兔馴養之天順間旌表

李珊字良玉州庠生母死未葬隣家失火珊抱

德州志

卷之八

孝子

三十四

棺呼天而泣火不延及鄉人異之旣葬負土成
墳廬墓三年鬼育生鶴來巢掘地得泉盜者夜
行過墓側相謂曰休驚動李孝子嘉靖十三年
巡按御史郭圻奏聞不報 已上唐志

陶良德少孤家貧繼母虐羅養母食必跪進及
卒哀毀骨立於葬處掘坎以居里人代築小室
苦乏水夢神人示之室旁忽湧其泉三年後復
居三月然後歸撫按表其門

顧汴家貧傭賃供父母父卒無棺號泣徹日夜

值雨停父處水浸因掘地取土障濕得金一錠
遂買棺歛父人以為孝感院道表其門
李峨以貢授博典訓導天性孝友父母早卒事
兄嫂如父母兄病禱真武願以身代是夜兄夢
黑衣神治療尋愈其爨五十年兄卒撫兄子及
諸孫俱成立里人稱為高岡先生

朱之龍岸生早喪毋事繼毋李氏委曲承順能
以色養友愛異毋弟甚篤得親懽心天啟鄆院
道表其門 已上安志

德州志

卷之八

孝子

三五

李岐字鳩崗德州衛人父上炳岐侍湯藥必親嘗衣不
解帶見父有憂色岐曰大人以幼弟為念乎請勿憂
異日析產當相均也父忻然曰能如是吾瞑目矣父
卒撫弟恩義兼至同爨五十年岐增產數倍卒均公之
李蘭字德馨別號衛泉世為商河人家貧以藝
之德州遂家焉貲少起乃盡橐歸為父市田供
伏臘而歲時上衣履食飲從百里外以為常稱
竭力之事矣兩地人爭孝之至萬曆癸酉子大
華舉于鄉得給冠服岸然不屑屏處東鄰以耕

自老卒年八十閭朝朱廷禧爲作誌傳孫誠明
舉人自有傳姪孫讚明曾孫源俱進士

何繼宗字少津少孤事祖母及母以孝聞撫弟顯宗
讀書成名性豪俠善貨殖家累千金周濟貧困有以
官贖鬻女者繼宗憐之立捐數千金其行事大率類
此弟顯宗中萬曆庚戌進士任至工部郎見鄉賢
魏理左衛庠生父君謨明崇禎間任永平府同知值兵
變理冒死入圍以計召父而歸卒免於難鄉黨稱孝焉

大清趙胤才州人清吏淮六世孫家貧竭力事親少

德州志

卷之八 孝子

三六

豐與兄弟同居無間言嘗病危見神謂曰爾有
厚德當生果甦人以為孝友之報州守表其門
王夢卜字惠寰德州左衛人少孤貧拮据其旨
以供母母病朝夕左右嘗湯藥躬浣厠踰者數
載及執母喪哀毀骨立祭葬盡禮鄉里稱孝後
仕湖廣德安府經歷卒年八十六

韓育英字仰淮其先淮安人以醫家德州少孤
家貧棄儒業以醫名家治症得古法所在稱神
弟姪婚娶視其子食積累下五十餘載孝友如

一日康熙九年申請旌表

王顯吾德州人居城東八十里王雀珠生母早孀守節撫顯吾畢婚娶里中博徒誘之母請父墳痛哭顯吾悔悟斷指自誓及母終廬墓五十年州守孫公應龍旌表其門曰孝子

潘龍家貧無妻傭工養親三十餘年不懈預知死日辭親戚輒自穿墻至期拜辭父母而逝

貞烈四十七人

元呂彥能陵州人至正十八年賊犯陵州彥能謀

德州志

卷之八

孝子

三

四

避之其姊孀居彥能家曰我喪夫無子何用生爲苟辱身不如死遂投井中其妻劉氏語彥能曰自爲君家婦二十八年不幸逢亂離豈敢負君妾入井矣君可自往彥能二女及子婦王氏三女孫相隨入井一門死者七人

元史

明李氏楊淮妻年十八淮卒子甫二歲李誓天守節舅姑欲奪其志李釐絕而後懸者三遂聽之家貧拾禾養老撫孤備極慈孝卒年八十承襲間巡按御史表其門

劉某未適劉卒女飲泣奔喪兄挽之
可劉家貧無以斂出簪珥斂之以歸終身不筭
以女紅自給十年而終

吳氏陳瑀妻嫁歲餘瑀卒遺腹于恕撫養成立
正統間旌表

周氏王敏妻夫卒自縊正統十年旌表

馬氏李某妻正德六年遇賊死節

蕭氏劉聰妻正德六年遇賊死節

曾氏姜淳妻年十九淳卒子禧生甫六月以死

德州志

卷之八 孝子

自誓事姑數年曲盡孝養姑卒殯葬如禮禧以

歲貢授江西布政司經歷嘉靖間旌表

曾氏生員代之女御史清女孫讀書通曉大義

適張宗禮禮卒掃跡孀居事舅姑甚恭寒暑不

懈撫院表其門

馬氏楊俊妻年二十五夫亡一女未齒踰四月

生子隆時家貧竭女紅以養姑終葬以禮撫育

孤穉艱辛備至女適王氏生子本本早孤歸養

于馬氏甥女適滿氏生子安安又早孤亦歸養

于馬氏馬氏卹二孤如已子里人稱之

陳氏刑部郎中誼之女適世襲千戶党恭生男
玘方四歲恭卒陳苦節課子玘長繼職居官有
聲

項氏德州左衛百戶吳景榮妻景榮卒項年二
十一號哭不絕水漿不入口者三日遂卒與景
榮並柩而出藁葬城北鄉人稱其烈焉

陳氏千戶陳寶女適千戶韓璽次子夫死三日
不食及蓋棺遂死于殯側衛官上其事撫按俱

德州志

卷之八

孝子

完

遣祭吊 已上唐志

王民生員王會禮女生員韓承業妻事詳仙釋
王氏王彥女適何文卿生子大清而文卿卒王
年二十四矢不再適族豪百計侵轢欲奪其志
氏砥節撫孤并庶孤俱至成立年六十九以節
終旌表

鄭氏鄭思孝女十八歲適何大清郎文卿子生
子顯宗甫二歲大清卒鄭一慟幾絕不食者五
日姑再三勸慰乃食其貧事姑姑病癱代為

箸檮縱夜以身負為淩溺及卒殯葬盡禮教子
顯宗成進士旌表

謝氏御史廷策文通女範內則諸書十八歲適
郡庠生周光烈事翁姑至孝光烈卒飲慟曰周
生俟我迺整衣辭姑及母屏漿絕粒誓以身殉

母與兄陞勸諭之仍觸階求死越五日而卒旌

表建祠

李誠明吊謝貞烈詩我所憶兮在昔年
每同阿父共翩翩忽傳帷內產蘭英啼

處纔聽三兩聲清越不同凡女氣爭誇眉宇帶
剛毅無何隨父到山西又見蘭臺烏鳥接家訓
無非正直事胸中已識從夫字父服豸繡氣凌
空女向稚室志欲冲蓬解人生惟一死死忠死

德州志

卷之八

孝子

學

孝傳青史自從母命判夫家惟布操作無紛華
日日勸夫勤勉學恐夫不得露頭角一時妖夢
洩前因幾度縈迴念此身想到百年終是幻古
本烈行今猶是夫身未病心先動解識人間摠
若夢條爾蒙確果逝亡裂天崩地成悲痛憑棺
躡躡動人情聞者含酸淚亦願只為青年無亂
嗣惟知節重此身輕三朝絕粒不曾食慈母耳
邊常唧唧云誓終身亦可夙貞心何必如斯亟
阿姑淚眼渾無措已苦無兒幸有婦恐婦初言
不改移往來好語相調護婦言難孝不兼全語
未成聲先哽咽惟道兒心久已定不關此日志
方堅忽然五日香雲暮母夢階前似拜訴恍忽
夢裏哭幾聲醒時聞得芳魂什人道幽德通神
明我想當年侍御兒慷慨懷忠原不死女今義
烈已無生世間多少奇男子那得心腸似爾爾
靈粹青寒飛白雪方知謝氏存忠節言不見梁
高与愛刀割葬心何勁又不見楚貞姬守墓都
金節亦高徒有水操不計年何如攜手聽啼崩

史氏德州衛官籍劉傑妻夫亡號慟不食誓身殉念二孤忍死守節田爲勢家所奪艱難脩嘗紡績課子長男邦佐乙卯舉于鄉壽至八十終學使者旌其門

徐氏生員劉蒙亨妻妾張氏年俱十九夫卒號慟不食誓以死殉張有遺腹從剖復食越三月生子嘉胤徐張不論外間留小園以通薪水茹淡焚修躬自訓子嘉胤領鄉書張先卒徐壽幾七十奉旨建坊皆以旌其門

德州志

卷之八

孝子

望

吳氏周紀妻年二十二紀卒天志守節自毀其面終養兩世舅姑塋祭皆盡禮壽八十院道旌其門

吳氏廩生周相妻年二十夫卒紡績撫孤子行長爲郡廩生壽八十有七本州申請表揚

已上安志

大清梁氏處士趙養泰妻年二十七夫亡守節辛勤

訓子績紡佐讀每至半夜長子景星以舉人官

通判次子其星以進士官知縣

季子台星年員院道皆表其門

見年八十五

劉氏州人鄒塿妻年十八適塿五日而塿卒
誓志守節遺腹生子文炳劉女工勤勞敬事公
姑教養孤穉壽八十有六

張氏庠生張鷟翼女儒士陳懋醇妻歸三載而
懋醇卒時張年有十九遺腹未娩有欲奪其志
者誓死不從生子會極茹苦織紉教訓成名會
極由恩貢授景寧知縣屢經院道旌表其門見
年七十九

劉氏何繼宗之側室庠生何真之生母以孝事

德州志

卷之八

孝子

望

姑以勤治家年二十六守節壽至九十有六州
守倪公綿祖顏其門曰貞壽維風濟南府通判
薛公爾賓贈顏曰惟貞乃壽

劉氏庠生劉三傑女庠生王朝嵩妻歸七年而
朝嵩卒劉年二十有四孝事姑姑病焚香禱祝
願以身代不逾旬而姑愈初劉未嫁時母遺幼
妹姑歿遺幼叔皆不辭勤勞以撫育之守節五
十三年

王氏何文卿側室生子大洪年十八守節

謝氏庠生謝君前女儒士任明翰妻年十九
明翰未三月而明翰卒謝號痛不食欲以死殉
以母在堂孤子襁褓強之復食盡孝撫孤三
十五年康熙十一年四月內 題請

淮建坊表

邢氏袁恩封妻年二十恩封卒生二女無子邢
守節五十二年

金氏廩生張胤泰妻泰下第憤鬱病死時金年
二十有七寡不食求死勉從姑勸少進水漿七日

德州志



孝子

聖

語人曰夜夢張郎召我業已許之恐不得終事
舅姑卒之日從容曰吾事完矣

康氏處士梁國標妻標故標有幼弟一歲失恃
康乳哺襁褓珍愛有加家素貧八口待哺康拮

据辛苦績紡教子長子廷珮中辛卯科舉人蘊
錦亦游泮

羅氏庠生何覺妻自明末北遊不返羅年二十
九子允掄甫三月冰蘖自矢孝事孀姑教子成

立迄今三十四年壽六十餘歲

郭氏宋之龍妻年二十九夫故苦志守節孝姑撫孤今五十二歲

陳氏庠生鄒騏生妻年二十夫故遺孤襁褓家貧陳躬勤女工養姑訓子歷盡艱苦其子維乾入郡庠院道府州均表其門

顧氏州庠生顧熠女州庠生李誠明妻年二十九夫故五日不食因子深方十歲幼子濬尚在襁褓勉起撫育後數年其子濬歿深亦未及四十即卒顧笑哭孀居撫孤孫成立苦節四十餘年今行年七十有二

德州志

卷之八

孝子

四

李氏貢生李枝盛女州庠生劉日燦妻年二十五夫故舅姑在堂茹苦食貧竭奉甘旨代夫作子克盡孝道無二子夢祥兆祥成立有聲庠序守節四十年今行年七十武德道錢公光秦州守劉君國禎扁表其門
呂氏陳復顯妻年十八夫故呂苦志守節康熙七年奉

旨賜銀建坊

吳氏教授吳之茂女庠生程晉妻晉亡年十八
子女俱無戶不出闕苦守四十餘年年六十七
歲卒院道皆表其門

俞氏德州衛庠生俞維藩女庠生呂燮妻年二
十六夫故痛哭幾絕因翁姑垂老子方在襁褓
乃毀形自立勉強就食三載內翁姑相繼而亡
葬祭竭力盡禮撫育幼子成立守節三十餘年
今行年六十歲

王氏德州庠生王暢女德州左衛湯德勝妻年二

德州志

卷之八

孝子

四十五

十二歲夫故誓欲殉夫其姑並親勸解乃止生
子二俱年幼撫育成立孝事翁姑鄉閭推為節
孝今行年六十二歲

仙

王道人無名人呼為王四本州人幼跛倚雙鬮
而行娶妻魏氏伉儷數年忽出家為道士雲遊
不知去向魏氏隨亦出家為女冠闈二十餘年
州人有見四于武當山中者蓬頭赤足容貌如
舊崇禎初又於州人見四于柏鄉王叅將家由

四久不盥面亦無塵垢轉白皙不少容鬚其初
至時叅將患癱疾四教之導養術病遂已敬禮
之四飲食不恒或日不食或食兼數人食時輒
口接氣接氣食既汗出如雨已而瞑然所居士
室中一衾一竈外別無長物時有陳道人號吐
納之術謂人曰此子捉住性命不死矣四見州
人問其母尚在否不問其妻後竟不知所終

釋

大空 隴州人住河西五里觀音庵中少年時

德州志

卷之八 孝子

哭

碌碌僧衆中汲水焚香而已由歲走五臺叅禪
因忽然有悟精修戒行叅會禪理時舉殿若秘
義示人人不解也順治四年十二月除日扶錫
至城訪居士趙仲啟時仲啟從其兄遊宦山西
師語其家人曰吾將西歸託以後事悵然而返
元旦雨雪霽村民見庵前無行跡啟戶視之
師跌坐于禪床之上貌如生梅中執錫圓寂久
矣鼻中玉筋雙垂至地僧衆皆百人瞻禮讚頌
不絕仲啟母梁安人施棺並命家人收瘞之

王氏生員王會禮女生員韓承小妻承業李壬

時年二十聞夫發引號泣不食夫葬姻戚

勸之復餐齋素奉佛萬曆四十八年五月初三

日於子夜薦地跌坐以三昧火日焚題准建刹

于州之南門內扁曰火蓮真君字誠明過王貞

詩當此劫或自帝輪而今願壁然焚身祠有感

時成佛果人道于遇是聖因解祇飛塵碑傳三

信知不壞乃無身廣用城野清祇祭猶見煙霞

火欲燐程先貞火蓮行陵州身帶婦阿桂身

姓王厥父名合禮暑年訓義方出嫁韓承業青

矜白面帶紅氍如懸漆自比雙鴛鴦刺繡春宵

煖臂纏紉夜涼井曰躬操作顏也奉姑蟑名滿

類人賢哉幼寤娘承業何彌留手自撫靈赫

德州志

卷之八

孝子

七

好往不負節元者實寧康平生此寸心殿妾敢

遺忘不久節追晤與君相扶將既願一長勸七

日流冰萃阿母勸之食木瑟負為堂終不御益

醯朝夕誰淡湯開我東關關詞舊復領匪珍珠

雜糝翠羅列錦雲裳分賜諸翹雙鹿幾永相望

依律守素旒三容薦青香節畧再拜覽齊眉進

酒酌歡心佛位下响喃達五更或憐其愁苦或

笑其髮狂夫人都不知寒去洋洋在苒日復

月朽骨宜歸藏計期已迫夜起辦嚴裝竹鏡

麻作屨斬衰稱體壘樓樑尺素書真在案中央

款題曰守志斐然成篇享賜鏡鑒其上雙珠分

兩傍出至室東隅露地奉天光藉用舊蘆席跌

坐委經緯揮手謝家人不肯作鸞惶屏氣靜竚

之氣更烈火張自頂下及踵紅雲映寶梳澹如

玉玲瓏較比金鐵剛小院蕭蕭心墮娟娟綠芳

衣履既淨盡蘆席乃不傷相譽蓮花又若觸

聯輝觀者千萬眾獨登成塔人守貞信來五

馬立傍徨亦有繭司馬身盛登旃捨低頭各嘆

息而旬救其密火蓮席下土爭取療災歿十刊
病即愈此窟如池塘乃翁韓紳氏收骨入幽房
雙犖遂齊發合葬城東岡神宗戊子歲距今八
十霜開從好事者鄴架理縹緲得其手書讀纒
纒萬言長非偶亦非詩叙次頌周詳大抵謂吾
心出入本何常一獲即湏鎖不可使之颺幸無
兒女累年已三十強信爲萬行母聊用挽頽綱
斯言類有道敢不拜其昌人生娶此妻何必貴
姬妾高家今猶在連埋樹成行魂兮風雨夜髣
髴歸故鄉趙其星題火蓮行志感詩柏舟作賦
誓捐身奈透無生見性真烈志煉成三昧火貞
軀解脫六根塵爐烟縹緲餘芳在碑記輝煌大
節新自是綱常千古
重縱歸佛教也同倫

葉女其父母賣傭食力目不識丁而女極靈慧
能讀書都雅有儀每聞媒妁言必峻拒之年十

德州志

卷之八 孝子

吳

七一日洗沐更服禮其父母若作別狀乃正襟
危坐手結三昧印趺踞而化有異香七日始蓋
棺而香不散鄉隣觀者肩摩踵接莫不以爲異

明萬曆四十六年五月十三日蓋午年午月午

日午時也

李誠明葉女傳葉女其家俱奉佛

無恙于今五月十三日蓋萬曆丙午歲也早具
洗沐更服禮其父母若相別狀有頃正襟危坐
問其母曰何時母對以午未解其問之意也母
無何入室見其儼然踞趺手結三昧印以爲生
也覺有異香忽爾心動叩之語候其息始知其
化矣乃不勝大痛鄉隣聚觀肩摩踵接莫不以
爲生蓋其顏色明潤若含笑而無所謂土柱
者至七日才蓋棺而異香猶若初涅槃時是

幻化者乎抑聞道者乎夫幻則不可爲實也如
巫姬警婦憑身孤祥寄行鬼厲又有耽思迷心
忽忽喪魄寔宜消魂此幻之不可爲世有者若
其洗沐更衣禮別父母從容都雅有儀有度不
惟恐怖不形于色抑且去住不設于心其平日
所言據所傳聞皆倚附至理若讀聖賢書者又
復童心未琢塵緣未染每聞媒妁必正色峻拒
以爲願事父母報其劬勞耳何以家爲是可爲
幻乎蓋必聞道者矣夫道則確然可據之實理
也不生不滅不成不毀貫于生死徹于夢覺無
古今終始而常如是者聖人所謂歿死即佛氏
之所謂無生以道不間于死即死亦生也此女
之視生如寄視死如歸也乎雖未證上果必不
墮落輪迴種子矣不然洗沐之前必知其死何
時之問必有以主張其死有以能死必有以能
生而忻然不知有死豈坦然求所以生是必關
其所以無死者乃順適所以無生之境矣儻不
聞道無論女子世之百計經營無非爲生早夜

圖維無非畏死乎若慕義或多慷慨一臨死所
柔情弱志滯泗交流是以大節則迥大難則避
僥倖一朝恐懼交集至于桑榆已迫駒隙難逢
猶留連顧瞻情不忍割曾未知旋輪轉焉鼠肝
蟲臂而彭爲天殤爲壽也何况于女之芳齡而
解脫若是乎然道不易聞也塵世紛紛誰爲覺
者且其家賣傭食力目不識丁何所謂淵源耶
無亦女之慧穎得于天縱而元心獨詣真性自澄
因其日用洞乎自然見死而會本緣渡而至源
一旦大悟遂得其無生無死之道乎是則不可
淪沒者奈其家貧無葬地瘞于舊太守宋公所
捨漏澤園中余欲樹其墓楨且刻石表之以力
未能特爲數言紀之亦庶乎此女之不死耳
程先貞端十行葉氏小家女住在德水涯父乃
賣菜傭母亦頗愚稚爲人泔泔統三餐止餽
獨養此幼穉進退有容儀把書能識字大義
崇疑種種經其目不學而自知但苦惡嫌
拒必嚴辭父母或勉慰每每致參差問女

何許歲已及笄烏雲委地長金蓮行後遊
櫻桃果腰如楊柳枝臉際若芙蓉遠山若
曼睪起層波細語聞清吹窈窕豔城郭見
魂迷朱門大公子白馬冶游兒或作尚書
榜拾高魁殷勤託蹇修珍重達懷私青雀
舳舳絡繹比雲霓金車玉作輪流蘇四兩
三百萬皆用青絲縻雜絲三百端出珠價
願爲比翼鳥百歲以爲期阿母謝蹇修君
謂之我願不敢請此子性嬌癡蹇修謂阿女
勿失此機阿女拜端肅薄奩更有姿上言
老罔極多恩慈下言秉陋質金屋非所宜未
作新婦爲夫結帨襦不然見逼迫舉身赴
蹇修低頭去諾諾復咨咨阿女在窻下父母
維持左手以刺繡右手以縫衣朝織一匹
織一匹絲雙親但坐食家乃有餘資秋蛩
雨春樹鳴黃鸝獨舞亦獨歌融融而怡怡
望天際煉霞生遠思其日凌晨起梳洗攝
作禮向父母若將有別離父母以爲戲莞爾

德州志

卷之八

孝子

李

所爲類類初日影酌量暑刻移翻然歸卧榻
戶下簾闔跌跣西向坐精魂騎尾箕阿母忽心
動入室捧其願始覺其已化大慟聲號悲隣里
暗來觀繞屋墀垣籬手結三昧印周正不傾欬
玉体猶溫軟香氣勝蘭芝歎維萬曆末四十有
六期仲夏日十三榴火正葳蕤午年當午月午
日又午時人皆嘆其異與理渾難窺將無得道
者俗向逆旋羈見首不見尾游戲表神符我欲
竟此曲此曲何委蛇落月滿屋梁顏色竟在茲
趙其星題葉女傳詩娟娟玉貌本天真閨閣深
藏絕世姻自戀椿萱存白髮肯隨桃柳聞青春
澄心久證無生果滅性常留不垢身梓里郎今
明月夜疑聞
霍暎下遙津

論口申甫鍾嵩山之瑞人以地靈翼猷表子
國之植地由人重矧德州之建置立易城

莫辨其基惟人侯之德業可徵考古因誌其地是以墓碑文而郊姓氏惟漢代之一人啟版籍而溯源流乃平原之多士劉氏弟兄競奕其世雙貞山窟朝野兼推千秋獨步雖以南北干戈之世不乏節義揖遜之儒迨至貞觀備取批鱗之彥洎乎大曆乃黜逆耳之言闕歷代之之分爭歸沐京之致治開科取士儒臣畧著干城體國懷民文吏明能折獄代分南北世接完顏錄俊傑于元朝僅存碩果

德州志

卷之八 孝子

至

採菁莪于明代類產奇材事功與經濟交輝氣節將文章並著或績茂循良無愧一方父母或才堪繁劇允稱千里溝垣乃有耻貢讓之風不進祥符寶篆亦有全潔身之義堅辭徵辟冰山若夫行匹彥方荏苒知愧文高遷史琬琰生光以至淚洒湖天討賊而舉同仇之義血凝帝里隕身而盡報國之忠凡皆前代之英才幸際昌朝之名世勛名赫奕升

詩酒徜徉以處見烟霞之侶孝

風木不必盡起于膠庠節矢冰霜固已齊
于閭閻珠含玉溫羨靈秀于山洲仁漸義摩
感栽培于教化至于黃冠證道緇衲超凡火
煉韓娥蟬蛻葉女業已見聞于閭里何妨紀
載于篇章庶供鄴架之收羅且備輶軒之
覽觀云爾

